

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 3.

Sad jakkegærdde.

»Nuorttanaste« maksa ovta kruvna jakkoda-
gast, bladde dinggujuvvu juokke poasta-
rappe lutte.

15ad Februar 1906.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Audogasvuotta.

Čali I. C. Ryle, engelas bisma.

II.

Dal guoratallop mi vëhaš dam boasto ibmardusa, mi radde mailmest dai audogasai logo birra. Im darbas mon gukka occat duodastusaid dam dnottavutti. Mon aigom dast sardnot daggar dingai birra, maid juokke olmuš čalmidesguim matta oaidnet ja beljidesguim gullat,

Mon aigom dast gæčæalet dudnji čajetet, atte dam ašest læ cœdnag čagjadus mailmest, ja atte dat čagjadus læ okta daina stuoremus hettitusain du sielo bestujubmai. Maid jakkek olbmuk davalažat ærai vuoinalaš dili birra dam cœllemest? Maid jakkek si sin sogalažai, ustebi, grannai ja oappasi sielo dili birra? Gæčædekop mi dal moft dat gacaldak matta vasteduvvut.

Si dittek, atte buokak, guđek sin birra læk galggek jabmet ja dubmijuvvut. Si dittek, atte buokain læk jabmemættom sielok, mak jogo audogassan šaddek daihe gađotussi mannek, ja maid jakkek si dai olbmui lopa birra?

Jakkeko si, atte dak olbmuk guđek sin birastattek, mannek helveti? I læk mikkege, mi čajeta, atte si dam jakkek; si borrek ja jukkek ovtast, si læika dakkek ja boagostek ovtast, vazzek ja barggek ovtast, æige goasse sarno Ibmel ja agalasuoda birra, — alme ja helvet birra. Mon jæram juokke ovtast, gutte mailme dovdda, igo læt nuft? Mailme olbmuk galle have æi guorras, atte sin særvveguoimek (skipparak) læk bahak ja ibmelmættomak, sin ællem oažžo

læk vaiko maggar. Si ožžuk læt sabata bagjelduolbmek — bibala bagjelgæčček, ja obba sin ællem ja gævatus oažžo čajetet, atte si ollaset læk alma Ibmel ja religionataga, almaken sin ustebak sin bælostek ja ramedek. Si celkkek, davja læm mon gullam dam, atte duot ja dat olmai læi hui buoredabalaš ja buorreivaimolaš olmuš. Mon gačam juokkehažast gutte mailme dovdda, igo læt nuft?

Ja maid bevise daihe duottam čajeta dat? Dat duottan čajeta, atte olbmuk oalgatek ja oagjodet ječaidæsek daina, atte i læk vaddes almai boattet. Orro čielggaset čajetuvvumen atte olbmuk elek dam jurddagest, atte ænas oasse šaddek audogassan.

Mutto maid jakkek olbmuk davalažat ærai vuoinalaš dile harrai mannel go si læk jabmam? Geččop mi maidai moft dat gacaldak matta vasteduvvut.

Olbmuk guorrasedek — jos si aibas Ibmel ja bibalbiettalægjek æi læk — atte buokak, guđek læk jabmam, læk mannam, jogo agalaš audogasvutti, daihe agalaš audogasmættomvutti; mutto goabba dillai jakkek si atte olbmuk mannel jabmen læk boattam?

Mon alma balotaga cælkam, atte davalažat læ vierro huore sardnot sin birra, guđek javkkam læk.

Harvve jerrujuvvu, moft olmuš læ ællam. Oažo galle læt nuft atte gatamuša ja osko mærkak Kristus ala æi goassege læt fuobmajuvvum. Oažo maidai læt nuft, atte diettemættomvuotta bestujume rađin læ læmaš stuores, dat erit javkkam olmuš oažžo læt læmaš aibas anas evangeliumi, almake galgga su birra celkkujuvvut: »Gal son šaddai audogassan.« Vaiko son i goassege læt čajetam jorggalusa, ođđasist-riegadæme ja bossendak-

kujume mærkaid. Modin sanin cœlket: Vaikko son jami, dego sust i obba lifčige siello, almake galgga celkkujuvvut: »Son læ dal likkolas.« — »Son læ soattam dam huore soađe.« j. n. v.

Maid čajeta dat duottan? Maid be æra go, atte olbmuk jakkek, atte almai boatte læ hui gæppa ašše, ja atte ænas oasse olbmui šaddek audogossan.

Ja maid jurdašek olbmuk davalažat dai oapategji birra, gæk sardnedek ođđa testamenta oapo čielggaset? Gæčædekop mi, moft dak gačaldak matta vasteduvvut. Jos oaddamærka diti okta olmai sadijuvuči buok Ibmela dato ja rađid olbmui bestubmai ouddandoallat, ja son i čiegasi maidege Ibmel sanin mi ællemi ja audogasvutti gulla. Jos son vuoinast ja duottavuodast ouddandoalači vanhusskesendakkujume osko bokte, ođđasistrigadæme Bassevuoina čađa ja ællema bassevuoda. Jos son raje bijači oskolažai ja æppeoskolažai gaski ja oaddanbijači goabbašagaidi dam, mi sodnoidi gulla jos son ođđa testamentain giedast čajetifči kristalasuoda dovdistægjai duotta kristalaža vaimo ja luonddolage ja čelggaset cælkasi, atte juokkehas, gutte dast i dovda ječas i mate audogassan šaddat ja atte juokkehaš, gutte dam audogassan dakke oskotaga jabma gađotussi manna. Jos dat sardnedægje dam dagači. Moft don, lokke jurdašak, atte manasi.

Muttomak vissa galle boadašegje suddo gatamušsi oskoi ja šadašegje audogassan. Mutto stuoremus oasse dam olbma guldalegjin æi oamastifči æige jakaši su oapo. Galle buokak æi væjači aido jure vuostaičuožžælet, daidašegje vela muttomak gudne-gel-

bolašvuodá čajetet ja su muttom mud-
doi avost adnet, cælkkededin, atte
duot sardnedægje læ okta angeres, ri-
evtalaš ja burist-aryvalægje olmai;
mutto gukkelidi si æi gal manači. Ol-
mai galle oažžo čajetet sigjidi Kris-
tusa ja su apostali čielgga sanid, son
oažžo occat bajas čalabaikke čalabaikke
manest; mutto dat i læk manenge avk-
ken. Dat stuoremus joavkko su gul-
dalegjin almaken adna su »ila gara-
sen,« »jesradalažžan« ja »ila ovtabæl-
lasažžan.« Sin jakko læ, atte dat
mailme i læk nuft baha, go sardne-
dægjek orruk jakkemen, ja atte olmuš
i matte læt nuft buorre go sardnedæg-
jek sittek sin læt. Mon jæram buok
evangelium sardnedegjin, guđek mut-
tom aige læk læmaš sardne virkest:
Igo læt nuft?

Ja maid čajeta buok dat? Dat
čajeta, atte olbmuk davalažat æi aigo
oskot æra go dam, atte audogassan
šaddat i læk mikkege vaddes ige los-
sa ašid, ja damditi šaddek ænas oas-
se olbmui audogassan.

Mutto mi læ sivvan daidi arvva-
lusaidi? Man Ibmel sane ala vuoddo-
dek olbmuk daggar jurdagid ja arv-
valusaid? atte audogasvuotta læ nuft
gæpas fidnet, ja atte ænas oasse olb-
muin šaddek audogassan? Maina sat-
tek si migjidi duottan čajetet, atte
dat arvvalus riektá læ?

Sist i læk mikkege visses vuo-
doid dam sin nana doivoi. — Ibmela
sanest si æi gavdna maidege doarja-
gid, i gavdnu oktage tæksta Bibalest
maid si matašegje ouddanbuktet, ja
maina sin arvalus mataši nannijuvvut.
Si čurvvuk rafhe, rafhe ærai havde
bagjel, damditi go si halidek, atte
galgga læt nuft, ja si oagjodet ječai-
dæsek daina. Duodai, dagger betolaš
jurdagid ja arvvalusaid fertte okta e-
vangelium sardnedægje vuostai bigjat.

Lokke, mærkaš dam, atte mail-
me manaš jurddagak ja arvalusak æi
læk mange væra vuoiñalaš ašin. Mi
dam mailme ašedi guoska, nuftgo
barggofidnoidi mærabivddemi, pole-
tikki, de gal mailme manna burist
matta dam arvedet ja doaimatet, ja
don matak manga buore rađe sust
oažžot dai dingai birra; mutto vuoi-
ñalaš ašin i dokke mailme manna
radde-adden; dastgo »lundolaš ol-
muš i arvved dai dingaid,
mak gullek Ibmel Vuigni;
dastgo dak læk sudnji jalla-

vuottan.« 1 Kor. 2, 14.

Mon muittotam dudnji maidai
dam, alle goassege vuoiñad ærai osko
alde, jos don almaš algok. Alma æ-
pedtaga læ galle gæpas dam stuora
joavko mielde čavvvot, go læ gačal-
dak vuoiñalaš dingai birra. Ollo vai-
vest olmuš bæssa, go son ravnji miel-
de adda ječas golggat; ollo bilkost ja
doarradallujumest bæsak, mutto mui-
te, atte mailme čagjadus audogasvuo-
đa gæino birra læ stuores ja varalaš.
Løge visses dam ala, atte jos don ik
goce mailme vuostai, de don ik šad-
da audogassan.

Lasse boatte nummarest.

Jallas osko.

Sisasaddijuvvum Jakkovuonast.

»Nuorttanaste« 17ad ja 18ad num-
marest mannam jakkogærdest sardnuv-
vu jallas osko birra. Mu jurddagi
bođi, atte moadde sane galgam vaste-
det dam čallagi, go juo redaktøra oid-
no aiggomen sisavaldet vastdusaid,
jos bottet.

Olmai, gutte jallas osko birra
læ čallam, i oro læme riektá oapes
læstadialaš særvvai, dađemielde go
son vigga dam særve govatallat Mu-
hamediu. Vuost aigom mon dagjat
dudnji, ustebam, dam: Don berrek
muittet daid Jesusa sanid værddadu-
sast njellja lagaš gilvvaædnam birra,
son, gutte oini olbmui vaimoid čielg-
gasæbbo go guttege; mutto son i si-
vatallam oapo daihe gilvvagid, vaiko
golbma oase manne duššai. Dam im
sate gal dagjat, atte læstadialaš sær-
vest i gavdnu loikasvuotta ja vel
manga lagaš čagjadusage ja maidai
suddok manga laganest. Dat vissaset
galle gavdnu valljogasat, ja dam vai-
dek læstadialažak ječage vel gædnja-
liguimege. Ja datge goit muttom oas-
sai dakka, atte dat ænam læ sigjidi
šaddam moraš lækken.

Si æi sate galle ællet nuftgo si
datšegje ja vel ucceb, nuftgo dat oa-
mevanhurskes mailme gaibbeda; mut-
to si elek osko bokte ja suddoi anda-
gassi addujume siste bæivalažat, dam
erro Samuelen bagjelgæččamen.

Son čalla: »Ællem matta ja
oažžo læt nuft ja navt, go fal vutti-
valddujuvvu dat aldestæsek celkku-
juvvum vuoddo-ašše.«

Dat i læk, nuftgo don dajak;
dastgo jos sist lifči sardneduvvum

dušše osko vanhurskesvuodast ige mik-
kege ællem vanhurskesvuodast, de
don galle satašik dalle bahas bagjeli-
guoddem vaimostad nuft dagjat; mut-
to sist læ valljogast sardneduvvum
goabbašagai vanhurskesvuodain.

Suddoi andagassi addujume bir-
ra mon im adde vissa, maid don oai-
veldak. Dust i daide læt dat sæmma
addejubme, mi læi Hærra Jesusest,
dallego son vuoiñai mættajegjides ala
ja celki: »Vuostaivalddek Bassevuoi-
ña, gæidi di suddoi andagassi addebe-
betek, sigjidi dak læk andagassi ad-
dujuvvum.« j. n. v. Job. 20, 23—23.
Ja Pietari celki Jesus: »Mon addam
dudnji alme valldegodde čoavddagid,
maid don čoavddag ædnam alde, dat
læ maidai čovddujuvvum; almest, ja
maid ædnam alde don čanak, dat læ
maidai čadnujuvvum almest.« Math.
16, 19.

Im mon dieđe læigo son dalle
biejost, go son daid sanid sarnoi;
mutto su mættajegjides jovkoi son læ
daid sardnom suddoi anddagassi ad-
dujume birra. Son i goččom sin
mannat kammari ja dappat uysa ja
rokkadallat suddoi andagassi adduju-
Nuftgo kristalašvuodast Ibmel manak
vagjolæme siste berrijik dakkat, ja
dasa læk ravvijuvvum lonistægjest,
mutto i kristalašvutti sisaboattemest
čokkedet lovkoi vuorddet dassači go
Ibmel sadde engela almest sardnedet
suddoi anddagassi addujume, nuftgo
muttomak orrok jakkemen, dat vissa-
læ biejost almostuvvam vuoiñalašvuot-
ta, ja dat jallas osko, man loap pa læ
jabmen.

Dat maid Samuelen vidasæbbo-
čalla ridovieljaid soavatæme birra ja
ruoktot maksema birra, læ nuft atte
dat valljogasat sardneduvvu læstadi-
alaš čoaggalmasain. Mon dovdam bu-
rist læstadialaš særve ja dieđam buok,
mi dobbe gævatuvvu.

Don oažok maidai ouddasak
valddet læstadius oappogirjid, vissa
don oažžok daid goit Suomast, gavd-
nujek muttom oasse maidai Norgast-
ge, ja loga daid darkkelet vai oapo
saddak dovddat. Mutto alle dubme
juokke vuoiña mielde, mi mailnest
cælkka mon læm læstadialaš sardne-
olmai, dastgo æpedkætta læ bærgalak
olgussaddim ollo sardneolbmuid guđek
celkkek: Mon læm Lastadius sardne
olmai ja mættajægje ja Kristusa mat-
tajægje, mutto guđek gaikodet ja bor-

rek Kristusa saycaid, ja damditi hi galgaši olmuš læt gærgad riebmæt juokke vuoiņa mielde dubmit guoralakcetta.

Dal loapatam mon çallagam. Im læk bælostam Læstadius oapo, damditi go dat læi su. Jos son lifçi oapoines vuodđodam amas vuodo ala, de dalle lifçi son šaddam Hærra garrodusa vuollai. Mutto go son læ rakadam dam sœmma vuode ala go Kristus ja apostalak, de læ su oappo riekta. Laittjuvvut gal oažžo olbmuin vaiko man ollo. Kristus maidai laittjuvvui daina basse olbmain farisealažain, dainago son addi suddoi andagassi dakesærgatagast buocce olbmai, si celkke, atte son sardno ibmelbilkadusa. Gæca Luk. 5. Nuft sœvdnjad læ olbmu jierbme alma Ibmel vuoiņa çuovgataga. Dat læ nuftgo apostal Paulus cælkka: »Lundolaš olmuš i arved daid dingaid, mak gullek Ibmel Vuoiņi; dastgo dak læk sudnji jalla-vuottan. 1 Kor. 2,14.

A. S.

Gukken ja lakka.

Komunai vælgge Norgast.

Min ædnmest læi dam jage 1902 komunai vælgge 264 milliou kruvna. Dam summast bođi gævpugi ala bagjel 200 million kruvna.

Ođda friamærkak

galggek dal rakaduvvut.

Danemarko Gonagas

Christian IX

læ jabmam.

Vuordekættes dieđetusa luvti telegramma vuos'arga dam 29 januar, go muittali, atte gonagas Christian dat 9ad Danmarkost læi jabman kl. 3 mannel gaskabæive hui fakka.

Gonas læi dam idđet bajaslikkam su davalaš aigest, ige dovddam maidege bakçasid. Ouddal gaskabæive vuostaivaldi son manga olma, gœiguim sagattalai, ja son læi arvok mielast. Maidai go son borrat manai, i vailom sust mikkege; mutto boradeđin dovddagođi son jeças illavæje, ja su doavter, gutte maidai læi dast, goççoi su mannat velledet vœhaš.

Bævdest gonagasa særvest çokkai su nieidda, læska kæisar-dronneg Dagmar Ruošaædnamest, su villja prins Hansa ja su nuoramus bardne prins Waldemar.

Gonagas dagai dasto nuftgo doavter goççoi, ja buokak guđe su, dnšœ kæisar-dronneg Dagmar baci su lusa.

Klokka læi dalle 9 minuta bagjel 2. Kl. 3 jamaldi gonagas, ja Dagmar, gutte ain læi su lutte, viežati doaktara, go doavter bođi oini son dallanaga, moft ašœ çuožoi, ja son bijai sane kruonaprinsi ja daidi æraidi dam gonagaslaš bærrašest.

Gonagas bođi dallanaga daiddoi fast, mutto virkosmuvvam fal i, vaiiko doavter dalkasid addi.

Kronprinspara ja dam bærraša æra mieldelettok botte aido jabmem boddoi. Klokka læi dalle bagjelaš 3. Gonagas læi olles daidost gidda buok manemussi. Mutto son i orrom jurdasæmen, atte jabmem læ dal su ragjai olleinen. Kæisar-dronneg læi su lutte gæços aige.

Dieđetus gonagasa jabmen birra videduvvui stuoremus jottelvuodain dam danskalaš oaivvegavpuga birra, ja almug garvoti jeças morašbiktasi sisa. Mannebarga legje buok skuvlak dappujuvvum, ja go bæivaš bagjani gessujuvvujegje plævgak belotakki staggoidi buok stata ja komuna gardenin. Klok. 9 algi morašbaçalæbme, nuft atte juokke minuttast gullui kannon bavkas, ja dat bisti 3 dimo. Kl. 12 olgusçurvuvjuvvui dat ođda gonagas Amalienborg šloatast ja gonagasbaçim gulloi. Sæmma bæive çuojatuvvuje girkkobiellok 3 dimo, ja dat çuojatæbme galgga bistet 3 dimo juokke bæive dassago gonagas læ havddaduvvum.

Gonagas Kristian læi okta rafhalaš, ustebias olmai ja stuora arvost addujuvvum olmai. Son læi maidai »agja« dam sane olles ibmardusast. Son læi agja dam engelas kruonaprinsi ja su vieljaidi ja oabaidi, dam ruošalas kæsari læi son maidai agja, son læi ačœ gonagas Georgi Grekenlandast ja agja min gonagassi. Oanekazat cælkket arvo miel 80 daina nuorab radđejægje persoanain Europa mietta goççodegje gonagas Christiana Danmarkost ačœen, agjan daihe mardaragjan.

Gonagas Kristian loaidasti Danemarko truodnoi dam jage 1863, son

læ nabbo dalle læmaš raddejægjen 43 jage.

Gonagas Haakon ja su dronneg

vuolggeba havddadæbmai. Kæisar Wilhelm Tuiskaædnamest maidai dieđetam su boatemest. Gonagas Oscar maidai vurddujuvvu. Gonagas Georg boatta. Ruoša kæsari i vurddujuvvu. Mutto su ædne Dagmar læ gal dobbe Gonagas Edvard Engelandast i daide boattet, go gulla, atte kæsari Wilhelm læ dobbe. I læk sodno gaskavuotta riekta çielgas.

10 Valesbivdde dampa

Alaska davvegæçœen læk jiena sisa galbmon 446 olbmain ja nissonin. Sist læ uccan borramuš, ja go læ vœgjemættom sigjidi vœke buktet, de orro çajetæme, atte dak olbmuk ferttijek nælggehættai jabmet.

Ruošaædnamest

læ ain duogo dago rafhetesvuotta. Manemus telegramak muittalek, atte okta nisson baçi 4 skuota Çappismærra flaata komandanta ala. Son læi çokkamen su barggolantjastes ige diettam maidege, ouddalگو bavkas gulloi, Vakta baçi nissona dasanaga. Komandanta sarjaduvvui garraset.

Professornaggo.

Mannam nummarest muittaleimiek mi, atte Ording læ namatuvvum theologa profesorin universitetast; mi maidai muittaleimiek, atte Ording ibmardus sakramentai birra i læk lutheranalaš girkkooapo mielde, ja dat læ juo arvvedatte, atte darolaš girkkoolbmuk — ja erinoamašet duotta oskolažak æi læm burist duttavažak dasa, atte lutheranalaš girko papai oapatægjek galggek gokkoge loet Luther oapa vuostai. Damditi çoakkairavkke papak ja ærak girkkooaggalmasa Kristianiai. Dam girkkooaggalmassi legje oktiboattam ollo papak ja sardnedægjek, guđek buokak vuostaibigje ja garraset vaidde, atte radđetus girko albmuğa dato vuostai professorin bijai daggar olbma, gœst Luther oappo i læk sakramentai birra. Oktaradalašvuotta læi maidai dam arvvalusast, atte girkkoo berræ sierra valddujuvvut statast.

Kinast

læk muttom moivvejægjek boalddam

ovta bresbyteranalaš miššonstationa oktan girko. Miššončorak besse ba-
tarussi.

Venezuela guvernora

Mada-Amerikast fertte læt okta garra olmai, muittaluvvu, atte son i suova ovtage olggoædnamlaza su ædnami boattet.

Frankrikast

læ dal stuora doaimatæmus dam gæ-
čel go stata ja girko læva cærranam
Nuftgo mi diettep læ franska girko
læmas romalaš katholikalaš statagirko.
Ja dal maŋgel go girko læ statast ærra
nam læ stuora soapamættomvuotta pa-
pai ja mailmalas eisevaldi gaskast girko
obmudaga juogædæme alde. Girko
uvsak dappujuvvujek ja moivek ra-
kaduvvujek. Soaldatak komanderi-
juvvujek olgus rappat girkkouvsaid.
vækkavaldalažat.

Tromsa amta guollehivvadak

læ 1513 duhat, mast læ henggiuvvum
109 duhat 1528 hl. medecinliekse, 94
hl. mædden. Guollehadde, jorbbanaga
37 øra rajest 39 øra ragjai. Vuovias-
hadde læ læmas 15 øra ragjai litarest

Sæktesalled

læ valljid stengijuvvum Kvædfjorast
dam maŋgeb aiggai. Ovta nuotest
galgga læt 12000 kasa.

Søndmøra dorskebiddo

i læk vela alggam; dainago dalkek
læk læmas nuft garras. Mutto dam-
pak Aalesundast galle bivddek salled-
did.

Min gonagas

ja dronneg vuolggeba bæryadaga jern-
bana mielde Kjøbenhavnni.

Ruotarika

kruonaprinsa i oažžo dam jage ale-
duvvut balkas. Mi diettep, atte go
Ruotarika ja Norga ærranæiga, de
son tapi dam 80,000 kr., mi sust læi
Norgast.

Engelanda — Japan.

Gukka læ dat læmas okta dov-
dos ašše, atte Engelanda soattevæka i
mate ječas mittedet dai æra stuora-
fanoi soattevægain. Engelas soatte-
fabmo læ gal nuft stuores, atte Stor-
britanien ja Irlanda burist cævca va-
šalaža vuosta. Celkkujuvvum læ, atte
i oktage vašalaš soaldat bæsa juolges
bigjat engelaš ædnam ala.

Ja læ maidai dat engelas soat-
tevæka dammađe stuores, atte daid
ænamgappalagai gattijek, mak engelas
plævga vuollai gullek olgobæld Eu-
ropa. Mutto almaken læ gačaldak
cævcačigo, jos okta stora fabmo alga-
ši India illastet, jos ouddamærka diti
Ruošša boadači India ala. Damditi
arvvaluvvu, atte Englenda sidaši nana
litto dakkat Japanin buok daina ašen,
mak gullek Asiai, nuft atte Japan šad-
daši sin væketægje jos rafhetesvuotta
dam bældæ šadda.

Mutto Japanesarak læk nuft gav-
veles politikkarak, atte si dam oidnek
atte soattevægagolatusak šaddek sin al-
de cenas oassai orrot. Ja dal læk dam
japanalaš nationalčoaggalmasast big-
jam dam vuostai ja sittek, atte Japan
galgga gaibedet, atte Engelanda skap-
po stuoreb soattevæga, jos litto dam
guovte famo gaskast galgga bisotuv-
vut. Japana soatteministar, gutte mai-
dai læi dam čoaggalmasast, celki, atte
dat læ maidai su jurda dam ašest.
Atte Engelanda dam mærradussi i li-
ko læ visses.

Dast mi ain gullat moft manna.
Orro dego Japan ja Engelanda gaski
læ šaddamen čuolbma.

Gonagas Christian

havddadubme galgga læt odne dam
15ad februar.

Maidai Troandemest

galgga girkočoaggalmas dollujuvvut
professoraše diti. Bisma Vexelsen læ
dat, gutte čoakkai ravkka.

Ruoða sami bocceuk

læk — nuftgo mi juo ouddal læp
muittalam — vahaga dakkam dača
bældæ, ja oidnu dal atte ædnamoiva-
muš Norrbotten lena bagjel læ arvva-
lusa ouddanbuktam, atte ruotalaš sta-
takasast maksujuvvu 2000 kr., vai
ruoða samek, gæina aido dal i læk
rutta, bæsaše Norga samedi makset
vahaga oudast alma mange takstafid-
notaga; dastgo oaivamuš jakka, atte
jos samek ječa ožžuk dam aše gaska-
næsek čilgget, de dat šadda sagga
halbek, go dalle go taksta galgga vald-
dujuvvut.

Dinggo »Nuorttanaste«

»Nuorttanaste« boatta dal su 8ad jak-
kegærdes ja muittala vahaš mastge
sikke vuoinalaš ja rumašlaš dingai
birra. Čajet dal don Sabmelač, atte

don du ječad giela blađid doalak.
Dača lavve davja dagjat, atte Sabme-
laš læ fuolamættom, ja sudnji i væk-
ket maidege doaimatet. Čajed dal,
atte nuft i læk juokke dafhost. Vis-
saset læ galle nuft atte rutta vadne
hette mangasa blađe dinggomest; mut-
to almaken, gæst juo datto ja hallo
læ, son dam ovta kruvna ligoda ovta
gerde jagest. Jos son dam i suite dal
de son dam suitta maŋgel.

Okta čæppes Sabmelaš

Altavuonast læ okta suorge, man-
namma læ Fielvuodna. Dobbe assa
okta čæppes Sabmelaš. Son namatuv-
vu bæivalaš sagast »Ole Anders. Son
læ vanasdakke vaiko maggar, ja son
i rakad dusse davalaš sukkam vadna-
sid, mak Finmarkost adnujuvvujek æ-
nas oasest; mutto son matta maidai
skjõitai rakadet. Dam maŋemus čav-
ča, go mon legjim Gamavuonast, de-
læi son rakadæme ovta motorskjõitta,
Gavppe-olmai hr. Ingebrigtsen skap-
poi matrialaid, ja Ole Anders ja Lin-
strøm læiga skipa dimbarmanne. Ole
Anders i læk læmas mange oapast;
mutto son læ čalmides ja jurddagi-
des adnam, go son læ jottam.

Ole Anders læ riegedam Rakke-
ravjo gieldest ja læ dal bagjelaš 30
jage boares.

Lofotbivddo

i gullu læme bahage baikotagaid,
mutto dalkkek læk læmas garras, ja
bivddo læ daggo bokte ollo heittijuv-
vum.

Jogoson bisma-amatak heittu- juvvujek.

Gieldapappa Alfred Eriksen læ stuora-
diggest ouddanbuktam arvvalusa dam
birra, atte bisma-amatak ožžušegje
heittujuvvut; dastgo dak læk darbas-
mættomak ja divras statakassi. Dak
makset arvo mielde 70,000.

Stuoradigge læ dam ašše bigjam
almugstemmim vuollai, nuft atte juok-
ke gieldda oažžo cælkket sittago bis-
ma vai i. Moade sajest læk juo stem-
mim; mutto daina baiken legje æm-
bo stemmak bisma-ammati bisotæme
bællai.

Rigast

Ruošaædnamest læk aresterijuvvum
ja soatterievte oudi dolvujuvvum
850 olbma, guđek moivest læk læmas

»Nuorttanaste« čalle, prentejægje ja olgusad-
de læ G. F. Lund, Sigerfjord, Vesteraalen.